



VELLUS AVREUM
THEOLOGICUM

AONIDUM memori victurus carmine, quondam
Aesonides * Patruī suspectæ obnoxius iræ,
Seposito clam nutritus Chironis in antro
Salvificum *Medici* sibi nomen Iâson, Olympi

Auspicio meruit. Fautricis nudipes exin
Hortatu Iunonis abit, celebresque reposcit
Velleris aurati exuvias, maria in via circum
Marte reportandas valido, æternisq̃ue triumphis.
Magnum opus, ancipitis plenum formidine Sortis!
Quô mortem fugiat, nimirum mille procellas
Mortis adit, Sociosq̃ue legit de millibus Argo-
Nautas, & Navim; bisenos ordine Soles
Hanc fama est focijs humeris, manibusque Hëroas
(Vt brevia, & Syrtes possent superare dolosas)
Per Libycas, mirum ! tetulisse potenter arenas.
Prospera mobilibus mox dantes carbasa ventis,
Aequoreos sulcare sinus, & cærula pergunt

Verrere tonfarum auxilio, discuntque monentis
Consilio Phinœi, scopulis Symplegadas arctis
Felici transire Noto; pro sede faventis
Hospitij, memores largum tribuere minerval:
Nam Zetes Boreæ, Calai cum Fratre propago
Harpyias exesse iubent, volucresque molestas
Obyia foedantes Regalis fercula mensæ
In Strophadum deserta abigunt Symplegades artem
Herôis, Navimque stupent, domitæque recedunt
Diductis aptè scopulis. invictus IASON
Denique Thessalicis Medæ in carmine verbis
Aeripedes subigit Tauros flammamque vomentes,
Sopitoque acri vigilique dracone, cupitis
Cum spolijs citò victor ovat, Patriamque revisit.

Fallimur? an melior tibi *Bonna* revixit IASON
Auspicio meliore Poli, semperque virenti
Dignior Aonidum Lauru, cui Palma sacratos
Theiologa impertit non emoritura triumphos
Lux nobis ad aperta micat, velata faceffat
Fabula! non FERNANDE metu, sed amore trahente
Bifronti te Castalides Heliconis in antro
Nutritum á teneris, pavere salubribus herbis;
Ambrosiâ Charitum te Sancta Colonia pavit
Per teneras comitata Scholas; levis inde iuventæ

Letiferis cautè morbis , vitijſque mederi
A puero tibi cura fuit ; præcandida morum
Hinc Cyclas, genij mores, animique tegebat
Non fucis temerata malis ; innoxia vitæ
Fax puræ, ſimiliſque ſui retinensque tenoris
Perpetui, mentes Superùmque, hominumque trahebat
In partes violenta ſuas ; in vere Iuventæ
Præcoce, maturi lucebas fronte Catonis.
Namque Rudimentis *Bonnæ* feliciter hauſtis
Lætus *Agrippinam* properas, maioraque ſenſim
Grammaticæ *Socialis* amas documenta Minervæ.
Inde per *Auſonias*, per *Graias* fortis arenas
Per *Logicas*, *Phyſicas*que plagas, virtute *Tirremem*
Herculeá portans, nec fractus pluribus annis
Iure Magiſtrales ſtadio in Tricoronide palmas
Præcipuus pugilum victurá Laude tuliſti.
Nec ſtetit hic invicta manus, maiora petiſti
Altivolæ ſimilis flammæ, maioraque ſemper
Scandiſti pronæ ſaſtigia ſumma Thaliæ.

Divinæ hinc rimans *Sophiæ* ſacrata fluenta
Irriguo ſatur ore bibis, raptusque bicornis
A *Rheni* graviore Schola, prædamque requirens
Theiologiæ præcioſa ſubis commercia *Divæ*,
Et plenis locuples ſpolijs, præfulgida primùm

Baccata victor rapuisti præmia frondis ;
Denique & *Auricomæ* radiantia *vellera lana*
Affiduo sudore vigil, certusque laboris,
Damnandi fugitans Otij satagensque triumphi
Omine ter fausto retulisti verus IASON,
Quàm prædæ melioris amans, tam prodigus ævi
Neve Lupi, colubriue timens, temnensque pericli:
In patrio dum sponte solo PASTORIS obisti
Munus, *Atlantiacos* æquans fortissimus armos
Pro Grege robustæ exponens pia stamina vitæ.

Maeste animo FERNANDE, novis decorate trophæis
Laureolâ decorate novâ ! io ! perge, *medentis*
Pro *Te* proque *Tuis*, age, munus IASONIS imple :
Invalidum solidato pecus, sanumque medelis
Præferua munique sacris, caulamque diurnis
Nocturnisque tege excubijs ; quassata potentis
Exempli verbi que novis pius erige succis ;
Harpyias scelerum turpes, fœdasque volucres
Hæreticæ fæcis, rostri pedore maligni
Divino-Angelicæ rodentes fercula mensæ
STROBELI in Strophadas obverte vrgentibus * Euris
Alternisue *Notis* ; quod si baccharier instent
Difficiles vinci, mox *immedicabile vulnus*

Ense

* Opportunè importunè 2. Tim. 4.

Ense recide sacro, stygiasque revifere ad umbras
Cœli voce iube : scopulis Symplegadas altis
Angustos Superùm calles superare doceto,
Atque arctas intrare vias, superare draconis
Tartarei spumas flammamque ignemque vomentes.
Sic te conspicuum victuro carmine, vatum
Posteritas ventura canat ; sic, vnde sub auras
Vitales prodijsti olim FERNANDE, superni
Cæligenis Locuples spolijs, animæque talentis,
PASTOR iure BONUS tecta ampla revife PALATÎ;
DOCTOR iure BONUS terris FERNANDE corusca,
Manfurum patrio per sæcula fidus olympo!

S T R O B E L I U S

Anagramma

S O L E T R I B U S

AD REV. dum AD. dum IN CHRISTO ET EXIMIVM

P. FRANCISCVM VAN DER VEKEN

SS. Theologiæ DOCTOREM,

Eiusdem FACULTATIS DECANVM
PROMOTOREM,

Et TRES. *simul Promotos Doctores,*

VOX vetus est: SOL tantùm *unus*, Rex *unicus* esto:
Nec Regnum Reges, nec capit Aula Duos